


U okviru šest fakulteta realizuju se licencirani studijski programi na sva tri nivoa studija

# Evropski univerzitet „Kallos“ Tuzla nudi vrhunske uslove školovanja

Najbolji dokaz za kvalitet i uspješan rad su studenti koji ne kriju svoje zadovoljstvo



Moderno opremljen univerzitet koji svojim studentima pruža vrhunske uslove školovanja.

Otkako je prije nešto više od godinu dana upriličeno svečano otvaranje, Evropski univerzitet „Kallos“ u Tuzli privlači veliku pažnju, kako srednjoškolaca, tako i studenta sa drugih visokoškolskih ustanova. Riječ je o jednom moderno opremljenom univerzitetu koji svojim studentima pruža vrhunske uslove školovanja. U okviru šest fakulteta, Evropski univerzitet „Kallos“ uspješno realizuje licencirane studijske programe na sva tri nivoa studija, i to iz oblasti pravnih, političkih, ekonomskih, pedagoških, tehničkih i zdravstvenih nauka. Najbolji dokaz, za pomenuti kvalitet i uspješan rad, su studenti koji ne kriju svoje zadovoljstvo. Neki od njih su studenti po prvi puta, a neki od njih su prelaznici sa drugih visokoškolskih ustanova.



Dođjela indeksa brucosiima akademске 2016/17. godine

## Stomatologija privlači veliku pažnju

Iako je riječ o novosnovanom univerzitetu, dokaz o kvalitetu školovanja koje pruža ova ustanova, najbolje pokazuje broj upisanih studenata u prvu godinu studija u akademskoj 2016/17. godini.

Naime, na ovogodišnjem svečanom prijemu dekani svih fakulteta Evropskog univerziteta „Kallos“ uručili su indekse za 612 studenata, a najveći broj upisan je na Fakultet zdravstvenih nauka, koji organizuje nastavu na ukupno osam studijskih programa. Ovaj fakultet ostvaruje izuzetno dobru saradnju sa Univerzitet-skim kliničkim centrom Tuzla, Domom zdravlja „Mustafa Šehović“ Tuzla, kao i sa određenim brojem privatnih zdravstvenih ustanova, kao što su Stomatološka poliklinika „Azabagić“, apoteke „Edal Eurofarm“ i mnoge druge. U pomenutim ustanovama studenti zdravstvenih nauka imaju priliku za odrađivanjem praktične nastave. Jedan od studijskih programa koji je privukao veliku pažnju i na kojem je trenutno upisan veliki broj studenata jeste Stomatologija, koja se

izučava u okviru Fakulteta zdravstvenih nauka. Po prvi puta studenti stomatologije ne moraju napuštati Tuzlanski kanton, jer im je konačno pružena prilika da svoje životne planove i studiranje ostvare u Tuzli. Pored stomatologije, u Tuzli je sada novina i Fakultet političkih nauka, na kojem postoje tri studijska programa, i to: Politologija, Međunarodni odnosi i diplomatija, kao i Žurnalistika i komunikologija. Do sada su studenti zainteresovani za Fakultet političkih nauka većinom morali putovati u druge gradove, ali sada priliku za studiranje na nekom od pomenutih studijskih programa imaju i u Tuzli, gdje su predavači iskusni stručnjaci iz ove naučnog polja.



Kabinet Stomatologije

## Studenti „Kallos-a“ odlično saraduju

Nastavnim planom i programom studijskih programa je predviđeno da se određeni predmetina različitim fakultetima slušaju zajedno. To je rezultiralo sklapanjem brojnih prijateljstava, a samim time i razmjenom različitih iskustava i informacija među studentima. Još jedan događaj koji je privukao veliki broj ljudi, a većinom žena, jeste predavanje koje je održano na temu: „Prevencija i rano otkrivanje raka dojke“. Tom predavanju, koje je organizovao Fakultet zdravstvenih nauka, a čijoj organizaciji su pomagali i studenti drugih fakulteta, prisustvovalo je preko hiljadu osoba. Prisutnima su se tada obratili dekanesa Fakulteta zdravstvenih nauka Evropskog univerziteta „Kallos“ i specijalista porodične medicine doc. dr. Munevera Bećarević, direktor Klinike za radiologiju i nuklearnu medicinu UKC Tuzla prof. dr. Haris Huseinagić, te specijalista za plastičnu hirurgiju doc. dr. Mufid Burgić. Ovo predavanje od strane prisutnih oćjenjeno je kao izuzetno korisno, a zasigurno je potaklo mnoge žene na odlazak ljekaru na pregled.

Pripremila: Azra Bećirović



Veliki broj prisutnih na predavanju o prevenciji i ranom otkrivanju raka dojke